



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

LXXXVI. Des Raths Verschreibung von 5 Schock Böhmische Groschen jährlicher Rente für das Kapitel zu Havelberg, wofür das letztere hundert Schock entrichtet und des heiligen Blutes Messe zu halten, ...

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

LXXXVI. Des Raths Verschreibung von 5 Schock Böhmische Groschen jährlicher Rente für das Kapitel zu Havelberg, wofür das letztere hundert Schock entrichtet und des heiligen Blutes Messe zu halten, über sich genommen, v. J. 1411.

Wy Clawes gleman vnde hans vlesow borghermester, Sabel rilow, Hinrick doberfin, Hans boden, Hans enghelen, Herman clinckepare, Hans herbrecht, Claws beten vnd arnd schulte, Radmanne der stad perleberghe defses jares, Bekennen vnde betughen apenbar in dessen vnser breue vor allen guden cristenne luden vor vns vnde vnse nakomelinghe Borghermeistren vnd radmannen desser vorbenomenden stad perleberghe, dat wy na vnser oldesten rade, willen vnde vulbort vnser ghildemeistere vnde ghemeynen borghere, hebben vorkoft in deme namen enes rechten steden kopes vyf schok bemescher groschen jarleker rente den erleken vnde ghesleken heren priore vnde deme gantzen Capittelle der kerken to havelberghe alle jar vptuborende vnbekummert van vnsem radhuze vnde van vnser stad redeften gulden to vnser lewen vrowen daghe to lichtmissen an guden bemeschen groffen edder an guden andern pagimente, also denne to perleberghe gheuge vnde gheue vnde vor so vele groffen ene weringhe is est bemesche groffen nicht en weren, dar se vor hebben vppe sik ghenamen erliken to holdende des hilghen blodes misse in erer kerken to havelberghe vorbenomet myt orghelsanghe wen des tyd is alse dar wonlik is. vor desse vorseuen vyf schok bemescher groffen jarleker rente hebbe wy van den vorseuen erleken vnde ghesliken heren priore vnde van deme gantzen Capittelle der kerken to havelberghe vp gheboret hundert bemesche schok, de se vns vulkommen vnde ghentzelken vornughet hebben vnde geuen an guden groffen vnde vyrleye munten, de wy vort keret vnde bracht hebben in vnser stad perleberghe openbare nut vnde vramen. In dessen vorseuen kope hebbe wy borghermestere vnd radmanne der stad perlebergh vorseuen vns vnde vnser nakomelinghen beholden den wedderkop: wen wi den dun willen, so schole wij edder vnse nakomelinghe der vorseuen erleken vnde ghesleken heren priore vnde deme gantzen Capittelle to havelberghe dat vorkundeghen vnde vppfeghen to sunte mertens daghe vnde darna to dem neghesten lichtmissen weddergeuen hundert schok guder bemeschen groffen myd der rente, de denne vallen is, de wy edder vnse nakomelinghe en wol to danke betalen vnde bereyden willen, vnde scholen bynnen der stad perleberghe sunder iengherleye besettinghe vnde hindernisse gestlikes edder werlekes gerichtes alle desse vorseuen stücke to samene vnde en islik sunderghen loue wy Borghermester vnde Radmanne vorbenomed vor vns vnde vnse nakomelinghe vm vnser stad perlebergh weghen stede vnde vast to holdende den vorseuen erleken vnde ghesleken heren priore vnde dem gantzen Capittelle to havelberghe sunder iengherleye vertoch, nyemvindinghe, arghelyst edder hulperede, darine dessen vnser bryff vnde louede vorseuen in sik edder in ienghen finen stücken mede breken mochte, de wy myd gantzen willen vnde witschap auerghenuen vnde volaten myd dessen vnser apenen breue. des to groter bewynghe, merer bokanntnisse vnde tughe hebbe wy vnser stad perleberghe grotelste inghezghel myd witschap vnde wolbedachten mode laten henghen an dessen bress, de gheuen vnd sereuen is na godes bort vinteynhundert jar darna in deme elften jare des neghesten daghes na sunte jurgens daghe des hilghen merteleres.

Nach dem des Siegels beraubten Original.

LXXXVII. Der Rath zu Perleberg kauft der Kirche zu Wilsnack die Verpflichtung, eine beständig brennende Lampe daselbst zu erhalten, ab im J. 1415.

In nomine Domini Amen. Ik her Johan Bylenuelt, vorstender des godes huses to der Wils-